

rum naturæ periti hæc ita accipient, ut tamquam adhortatio data videatur iis, qui plus valent, ad ampliora melioraque præstanda.

Ceterum Lectores præmonitos velim, denominationes plantarum hujus opusculi ex Wahlenbergii Flora Svecica esse allatas; nisi cum nomen auctoris speciatim citatur.

---

§. 1.

**S**olem inocciduum, quem multi etiam principum intueri voluerunt, pauci autem potuerunt, inter mirabilia naturæ arcticæ phænomena haberi, nemo est, qui nesciat. Quæ sit autem efficacia ejus in omnibus naturæ regnis, quantumque vim in vegetationem exercent lumen, cujus flamma duobus fere mensibus numquam exstingvitur, non adeo facile omnibus, qui confinia poli non viderint, intellectu videbitur. His enim regionibus ipsis oculis contemplari licet istiusmodi spectaculum in ipsanatura.

Inprimis cernitur vis ejus in vegetatione florum, qui perpetua luce stimulati nunquam fere clauduntur, quo facto majores quoque evadunt.